

葉陽先公文集

齊川遺集

番外書冊

109	二六二八	和書門
三	七	冊架函號類

二六二八	和書
三	冊架

內閣文庫	
番號	和 26283
冊數	3 (3)
函號	206 73



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



濟洲山君遺稿叙

淺草文庫

華陽先生文集輯校既成。授諸剖劂。事歸於不朽。嗚呼盛矣哉。此篇先生故嗣子濟洲君之所著也。君名道晉。字世祿。初號龍山。後更濟洲。家本為水軍。父沒而早孤。童齒襲父祖之業。

隨稍長。好學勵精。無他嗜好也。先生無子。以同族故。養君為嗣。然而藩法。別仕者。不得脫其籍。而輒適他也。斯以官裁頗艱澁矣。侯聞之。以君之才之優也。許得為嗣。蓋特命也。爾後稟于學館。及縣夫子之門。切濼古文辭。

業日益進。尋擢于都講。領袖乎後進。為人溫柔。喜愠不見於色。其率生徒。循循善誘。咸莫不敬服也。嘗從先生抵東都。歷南郭先生之一顧。以渥洼駒稱焉。延享中。韓使之來。與彼學士應酬。語見于戊辰問槎錄矣。然性多

病。秀而不實。中道而夭。天如假之年。使其驥足得大展。則其於一日千里。乎何有。嗚呼惜夫。以故其生平所著。僅不盈一策。今此附錄。以謀不朽。雖不能濟美於生前乎。聯芳於身後。庶幾亦足以慰先生鍾情之餘哉。

明和己丑秋八月

吉田文獻謹識



濟洲遺稿目錄

卷之一

五言古詩二首

五言律詩二十六首

七言律詩二十三首

卷之二

五言絕句十一首

七言絕句五十三首

濟洲遺稿目錄終

濟洲遺稿卷之一

長門 山根道晉世祿 著

弟 泰德有隣 校

友人 吉田文獻子徵 輯

五言古

詠懷

天天桃李樹。花開枝枝新。春日下成蹊。秋風推為薪。
富貴焉常保。於我如浮雲。子胥遂賜劍。屈平自投淵。
兔盡良狗烹。騏老駕馬先。吾希陶朱公。名遂善其賢。

棄婦詞

鴛鴦在洲裡。比目浮水湄。傍有白玉堂。門植連理枝。
十五爲君婦。紅顏世所希。十年在君家。懽愛同衾衣。
和樂鼓瑟琴。共歌葛生詩。河水深可量。人心竟難知。
薄命如覆水。良人忽生疑。相阻奈商參。南北生別離。
泣涕夜如雨。閨中獨傷悲。嗚呼桃李花。一落無開期。

五言律

江南旅情

洞庭飛木葉。旅館日蕭然。誰見逐臣苦。空知明月憐。
天涯孤雁度。鄉國尺書傳。徒對湘流水。無由向北旋。

聞原李麟自西京赴東都遙有此寄

才子離群久。各天隔幾春。更無歸北雁。遙憶徂東人。
千里浮雲遠。孤霞長路新。兩都一裁賦。才調更誰倫。

早春遊望

步出城門道。烟霞處處新。園林花掠雪。梅柳鳥知春。
高興發郢曲。行吟似楚臣。山中誰獨往。偏羨採薇人。

中秋對月憶茅伯異

山壑淒霜露。西風吹郭門。三秋空聽鴈。永夜獨憑軒。
遊子他鄉賦。賞心何處尊。真長情自切。朗月有誰論。

上巳灞水泛舟

春風吹不盡。士女競遨遊。西出紫陽郭。東臨金谷流。

花明兩岸樹人醉一漁舟自似桃源趣仙家何處求

曉發長安

明星催曙色策馬出長安鷄鳴函谷啓風起渭流寒
繁霜沾旅服殘月照征鞍于役三千里長嗟道路難

擬咸陽懷古

咸陽全盛地一旦委灰塵秦鹿亡城闕漢龍飛渭濱
諸陵禾黍秀上苑棘荆新唯見山川是臨風淚濕巾

贈罷相人

罷相脫冠冕秋風歸去來閒居甘寂寞高臥少塵埃
能作尊羹計誰憐王佐才可知車馬絕門外雀羅屏

秋雨道中

驛亭烟雨裡馬上故凄其長路休何日千山無盡時
雁聲求侶怨客意有誰知為是思鄉切秋風獨自悲

遊弘法寺寄僧俊應

城東弘法寺詞客共登臨為許白蓮會時聞玉磬音
花從臺上落水遶檻前溪遠公茲卓錫偏憐不染心

鎌倉懷古二首

登此鎌倉上風光歲月移欲尋城闕跡未有野翁知
將略空三世雄圖彼一時寥寥今若此唯見麻神祠
一路深青艸可憐今古情山河千里固溪谷七鄉名

冠蓋沒丘土。絃歌餘水聲。徘徊腸欲斷。況復百鐘鳴。

夏夜泛舟

六月江東俗。遨遊競泛舟。長河分兩國。明月照中流。歌傍櫓聲起。盃臨水面浮。溯洄無興盡。疑是入滄洲。

客中偶作

去國知何日。東關萬里餘。客中多病懶。世上故人疎。秋色感鱸膾。天涯滯雁書。賦成歸思切。無意曳長裾。

望夜集

無用秉華燭。良宵明月秋。尊元開北海。榻是為南州。玉露皎相映。金波穆欲流。諸君且莫去。不淺庾樓頭。

觀獵

分圍郊野際。胡馬向風跳。弓總似明月。帽多戴紫貂。搏來藏霧豹。射落入雲鵬。獵得幾千萬。歸途意氣驕。

寄懷東都故人

第宅東都滿。長裾何處門。文章唯爾在。意氣向誰論。知倚南樓月。應開北海尊。為憐知己者。海內幾人存。

對雪

雨雪千山色。銜杯且倚欄。階庭開玉樹。池水捧銀盤。梁苑賦應就。袁廬臥正寒。臨風何所似。堪作剡家看。

哭周南先生

玉樹忽搖落。秋風楚客悲。遊魂招不返。泣淚隨無涯。
雅韻人琴變。遺編日月垂。已矣平生事。斯文屬誰

和海北佐君留別鹿門先生之作二首

携手河梁上。春風送馬蹄。相思無近遠。一別奈東西。
丘壑興何限。烟霞路不迷。鄉國歸到夕。正見草萋萋。
幽棲君所愛。茅宇錦江隈。探勝遊應好。卜居篇好裁。
高山臨几席。流水繞樓臺。知是彈琴處。何人稱善哉。

九日登樓

此日望鄉臺。登臨秋氣哀。孤鴻空自去。叢菊為誰開。
薄宦天涯淚。重陽客裡杯。何堪當落日。歸思獨徘徊。

遙寄彌八流水園

聞君新築地。近傍錦川潄。流水遠園去。高山入戶深。
有時頻喚酒。終日只彈琴。更對觀魚興。堪知濠上心。

早發函關

關門殘月影。向曙送雞聲。人逐青牛過。天浮紫氣明。
棄繻憐往事。揚策競前程。看取山河險。堪思吳起情。

秋日村居

甕頭新酒熟。秋色自蕭然。菊對竹籬發。楓圍林葉鮮。
引牛童牧去。穫稻主人還。嘗避風塵事。村居幾年。

塞上送人還京

單于高殺氣。青海朔雲來。我怨李陵意。君憐武才。塞鴻須托信。漢客豈堪迴。此別心尤切。淚痕不覺催。

七言律

送三丘大夫從駕東都

大國公孫元世卿。清朝遭遇屬文明。登高他日能裁賦。從駕今春更有榮。紫氣曉侵函谷樹。青雲晴見武昌城。遙知月夜南樓上。不淺風流庾亮情。

擬元日朝大明宮

雞鳴車馬鬱朝天。金闕東風佳氣連。日出晴雲都五色。春來蒼樹幾千年。椒花獻壽皆裁頌。栢葉稱觴

倚筵百僚只今說。經處何人重席戴馮賢。

登靈椿寺

嵯峨南嶽倚蒼穹。松栢青青繞梵宮。屐就登高追謝氏。錫飛遁跡訪支公。長江波湧海門近。絕壁風生地勢雄心泛。虛舟迷出處。飄然身在白雲中。

海城春望

百年形勝比瑯邪。乘霽登臨弄物華。韓海長風千里浪。灞城春樹萬人家。蜃樓映日珠光動。鵬翼垂天氣斜。自是木虛堪作賦。壯觀此處興無涯。

問繁子雲病

故人伏枕灞城邊。別後清秋若隔年。海內知音何處覓。古來同病耐相憐。地幽白日獨浮白。客少關好著玄。君自子雲甘寂寞。草成早晚世間傳。

題阿川大夫嘯風館

景有怡曠臺。白雲峯。明月池。

嘯風別館枕江開。留客同憑怡曠臺。命駕三春乘霽去。回舟半夜傍流來。峯頭雪入絃歌動。池上月臨杯酒迴。知是謝安高臥地。登山屐就此徘徊。

送原季麟歸省再遊洛陽兼寄越子泉

萬里雲山霜露深。秋風回首北堂陰。元非張翰鱸魚思。自是故威驢馬心。上國再遊憐壯志。高樓一別

愁襟。能文羨爾稱兄弟。詩就人傳二陸吟。

歲暮有感寄長安故人

遠遊幾歲客長安。欲寄相思道路難。山水渺茫悲萬里。乾坤落魄笑微官。人稀驛舍綈袍盡。歲暮茅廬白雪寒。回首梅花江上發。更無驛使報君看。

登觀音閣

觀音飛閣白雲岑。古木蕭森一路深。溪絕頂孤峰天咫尺。斷崖匹練水千尋。登高裁作大夫賦。回望堪觀遍界音。自是上方昏黑地。到來無意飾朝簪。

送周南先生恩命謝病還家

共道文翁化蜀情。一時興學自高名。關西夫子縉紳表。門下諸生桃李榮。伏枕本知同臥閣。還家不見不投纓。主恩自有金莖賜。可喜清朝雨露清。

登吉祥閣

高閣登臨接渺茫。嵯峨形勝最東方。雲飛房總一天地。日霽街衢五驕驍。自是蘭臺多賦客。不妨仙境隔家鄉。時看黃鶴踰躑去。却怪飄然遊武昌。

上巳送鹿門先生從駕東都

大邦千騎共翩翩。托乘知君恩最偏。玉節春開函谷樹。彩毫晴映富峰天。賦中白雪誰爭長。臺上黃金

賞賢離別會。憐修禊酒一觴。一詠更何年。

寄秦子與

憶爾梁園倦宦遊。潛夫論就早歸休。書稀鴻嶺風烟隔。珠散龍藏波浪流。玄兔塞遙連碣石。青蜓洲盡接崑丘。爲思初日東南色。照出秦家十二樓。

登城南大悲閣

高閣嵯峨絕頂披。不知仙跡幾年移。日華晚照黃金坐。山色秋寒蒼樹枝。西望長江流似練。東通大道直如絲。到來縹緲虛空外。慚愧冠纓厭世遲。

秋日遊東廬奉贈無隱老和尚

東廬山樹鬱崔嵬。中有千年古梵臺。峯迴諸天開日
月。風清下界渺塵埃。黃金坐映彩毫耀。白雪空揮玉
麈尾。自為上方多勝絕。貪看昏黑不知回。

賀香川先生七十初度

上國衣冠總是賢。嘉辰盃酒為開筵。星懸南極老人
色。書就西關道德篇。太藥遙從方外得。盛名早向世
間傳。門生爭獻蟠桃頌。花發春風更幾年。

長安春望

長安三月望無涯。遲日高臺金屈危。萬戶霞飛花若
錦。千門風暖柳垂絲。翠樓知有愁思女。紫陌相携好

冶兒人上青雲多意氣。倦遊獨自不勝悲。

送吉子玉之東都

携手春風江上臺。離筵擊筑不勝哀。灞城柳色樽前
合。金谷烟花馬首開。橋畔共憐題柱意。關門誰識棄
繻才。遙思千古芙蓉雪。應待高歌楚客來。

送艸季英之崎陽

春風躍馬氣翩翩。此去崎陽西海邊。藍島白雲迎鷁
舫。赤關紫氣映龍淵。長橋題字君方去。他境裁詩人
自傳。到日知逢文苑客。揮來誰似筆如椽。

中秋泮宮集得邊字

雲晴三五月輪懸相值佳期灞水邊望海客催枚叔
興登樓人賦謝莊篇天南星少飛鳥鵲坐上云清奏
管絃飛蓋勝遊西苑夕追隨共喜酒如泉

贈朝鮮李濟菴

軒車絡繹向東寰傾蓋承歡使者顏為是星槎來海
上暫看仙子在人間拾珠朝探驪龍窟持節宵過赤
馬關君自史遷多壯志行程處處愛名山

贈同朴矩軒二首

萬里風濤赤馬邊來遊無恙木蘭船開尊海館對青
眼倚劍關門動紫烟詩就百篇飛彩筆才高八斗竅

華筵曾聞鄴下多詞客書記初知阮瑀賢

星槎解纜釜山濱一片祥雲送使臣雁去北溟傳尺
素客遊南國唱陽春烟霞忽映尊前色詩賦堪驚席
上珍四海由來知己少逢迎誰是眼中人

濟洲遺稿卷之一終

濟洲遺稿卷之二

長門山道晉世祿著

弟泰德有隣校

友人吉田文獻子徵輯

五言絕句

楊柳枝

青青楊柳枝攀折有誰知遠望無由贈征人笛裡吹

寄嘯風館主人

蘓門山色深君自孫登心回望嘯風處似聞鸞鳥鳳音

籠中鸚鵡

遠自西域來。竒姿殊衆羽。能言共可憐。未告籠中苦。
春盡日飲故人宅

可惜三春盡。逢君弄歲華。此時如不醉。明日幾殘花。

九日

一杯佳節酒。况值菊花黃。醉殺欲眠處。何知是異鄉。

客夜聞子規

夜來響杜鵑。孤客不為眠。眺望情何極。鄉關落月懸。

春曉聽鶯

夢裏聞啼鳥。依稀求友聲。醒來卷簾望。花外正嚶嚶。

東都春日

街衢騎如雲。來往花似雨。多是他鄉人。相逢問故土。

題客舍壁

落魄一書生。秋風客意驚。黃金今已盡。何處見交情。

採蓮曲

越女採蓮遊。花花浮碧流。粉粧鮮水上。相映木蘭舟。

雨中送人之南郡即事

蕭蕭雨雪冷。垂泣自蹉跎。相別長橋上。驪駒共醉歌。

七言絕句

送野正季之京師

遠遊才子入西京。匹馬尊前離別情。到日試看雲五

色千秋無恙帝王城

聞道浪華春早來江邊十月值梅開相思應有一枝
贈何日更看驛使迴

春遊曲

十二青樓洛水濱春風桃李照顏新此中解語花多
少巧弄秦箏惱殺人

送僧玄海還鄉

河梁春色送君還飛錫遙過赤馬關到日青牛誰不
識且看紫氣度雲間

雪中送故人

匹馬翩翩道路難送君杯酒倚欄干故人梁苑他年
賦白雪驛樓今日寒

奉寄院長遊涪溪

灞城西望白雲新涪上溫泉佛閣鄰高臥元北飛遯
客風流却似浴沂人

雨中遊山寺

山中古寺白雲深寂寞堪知不染心一上講臺多雨
色天花片片繞珠林

雪夜飲期故人不

千山一夜雪皚皚尊酒欲開明月好興盡門前人不

來蕭然獨坐戴安道

送人歸石州

歸鞍好去石關傍。相望雲烟一路長。到日更開握中璧。錦衣并照故園光。

遊紫津浦宴福氏主人隱醫

紫築城西仙浦東。開尊一夜對清風。主人元自避名客。採藥知遊海島中。

巫山高

十二峰峰盤又紆。南來秋色滿蒼梧。襄王夢覺幾千載。雲雨巫山今有無。

雪中簡故人

思君雪裡上高臺。半夜雲晴明月開。相憶倘乘尋戴興。剡溪別在北湖隈。

塞上聞笛

十載沙場人未歸。秋風蕭瑟冷征衣。不知何處落梅曲。此夜吹來塞上飛。

春日思山中故人

翠微迢遞白雲邊。一謝人間去不還。知是西山春色已。裡徘徊應賦採薇篇。

夜飲呈席上諸賢得知字

柴門此夜見相知。四壁蕭然一酒卮。投轄何妨無長物。爐頭相對好談詩。

和草李英韻

貧家不讓子雲居。寂寞多年世事疎。一夜故人携酒處。相逢未問字何如。

海上送別

陸沈幾歲住人間。總為風塵苦往還。此日仙舟何處去。海中別有蓬萊山。

寄故人

孤客遠遊風雨寒。蕭條長鋏向誰彈。謝君幸有綈袍

贈。戀戀能為范叔看。

送別

門外驪駒曙色清。灞橋分手故人情。漫漫道路何時盡。吹送天涯鴻雁聲。

秋夜長

長信宮中夜若年。歌成紈扇有誰憐。君王咫尺違顏遠。臥望昭陽明月邊。

春江夜泊

春暮江南蜀鳥鳴。孤舟一夜客心驚。故園回首三千里。腸斷西天落月傾。

過山寺

搖落蕭森祇樹林。上方一路翠微深。山中無限白雲色。相對方知不染心。

和子南韻二首

文通才氣自翩翩。彩筆揮來驚四筵。知是德星天際色。明朝大史為君傳。

故人相值灞城隈。美酒樽前秋色開。君自楚臣誰不識。賦成搖落幾人哀。

奉和家大人還山韻

落花片片送君哀。握手高樓杯酒開。此去從佗春欲

盡。山中別愛白雲回。

和人留別韻

行裝臘月北風寒。杯酒留君暫倚欄。一別何堪同調少。歌餘白雪與誰看。

和艸季英送人韻

秋風搖落故人疎。杯酒相看嘆素居。明日天涯逢雁過。請君莫惜一封書。

和季英韻

小亭卜築大江東。花發柴門世事空。君自桃源避秦客。不妨漁艇溯春風。

戊辰之春龍門師遊洛予也方外之一知己
辱賜留別之作因和以奉壯行色云二首

曉風振錫過江干相送橋頭殘月寒君到帝城春正
好好因回雁報平安

花發園林雨雪收長安春色萬家樓十年曾掛真如
月相映何知客裡愁

送子恭謝病還故鄉二首

雲山一別望漫漫立馬歌悲行路難好去鄉園春欲
遍烟花不是客中看

扇舟明日五湖濱擬向烟波老此身莫道病顏非昔

恩光還在捧心人

癸酉秋予浴猿山溫泉時曇公松公常公亦
來一見如舊相識無何公等各飛錫回可不

慨然哉賦此申懷贈別諸公

猿山一夜夜猿哀握手何堪別淚催再會不知更何
日飄然各愛白雲回

折楊柳

一自都門折柳分相思遙夢綠如雲邊庭不見青春
色只向胡人笛裡聞

贈山僧

梵臺木鬱千盤跌坐山深阻舊歡無奈白雲無限
好不令持贈故人看

暑日書堂飲

小堂避暑愛清風蕭灑琴書竹樹東不羨金莖療消
渴冰心同指玉壺中

春遊曲

長安佳氣滿垂楊白馬驕行大道傍樓上絃歌能進
醉春風笑唱羽林郎

聞雁懷故人

雲盡江樓月色開秋風萬里氣悲哉相思忽聆哀鴻

過應有天涯書札來

見雁寄憶安恒貞

都門春色滿千家相望回頭萬里霞適有天邊北歸
雁封書吹送八江涯

奉和蘭陵公子訪家君不遇作

雪花片片大江隈半夜天晴月色開何妨興來不相
值風流却似子猷迴

從軍行

翩翩鐵馬出長安雪撲旌旗行色寒多少征人齊按
劍壯心直欲斬樓蘭

客中聽子規

夜深客舍自蕭然。明月千山哭杜鵑。聽至三更聲轉苦。不知何日故鄉還。

邊庭秋怨

萬里鄉關何歲歸。秋風復見雁南飛。誰知此日征人怨。泣上龍堆濕鐵衣。

春盡日集山亭卽事得花字

山亭寂寞散烟霞。詞客登臨對落花。可惜春風吹欲盡。含杯不耐夕陽斜。

呈朝鮮柳醉雪三首

上客懷中白壁寒。携來一夜照江干。世間不識隋侯色。相值還為按劍看。

誰佩龍泉海上來。遠遊萬里氣雄哉。請看此地豐城郡。紫氣高干牛斗開。

有鳥羽毛五彩鮮。凌雲萬里氣翩翩。由來不欲雞羣駐。一夜翻飛東海天。

寄同李濟菴

錦帆漂渺遠相乘。共喜神仙看李鷹。却望龍門高萬仞。風雲倏忽有誰登。

寄同李海阜三首

傾蓋相逢似故人。開筵杯酒樂佳賓。誰知海上烟霞色。總入翩翩書記新。

君是西方彼美人。王門受命忽來賓。相逢自若舊相識。笑殺交情白髮新。

寄同朴矩軒

赤自關頭海色開。仙槎此日向東來。可憐威鳳殿中客。射策當年使者才。

中秋登樓送人

玉壺美酒對欄干。搖落秋風白露寒。此夜送君明月色。明宵馬上獨相看。

濟洲遺稿卷之二終

